

殷夢霞 李 强 選編

外國人著 清史八種

5



殷夢霞 李強 選編

外國人著清史八種

第五冊

國家圖書館出版社

〔日〕增田貢撰

清史攬要

六卷

日本明治十年（1877）刻本

清史攬要

卷
三一

第五冊目錄

清史攬要	六卷		一
清世祖章皇帝實錄採要	六卷		二六三

增田貞編纂

清史攷要

清史攬要目錄

卷一

順治

自元十八年
至十年

卷二

康熙

自元六十年
至十一年

雍正

自元十三年
至三年

卷三

乾隆

自元六十年
至十一年

嘉慶

自元十五年
至五年

卷四

嘉慶

自元二十六年
至五年

道光

自元三十年
至十年

咸豐

自元五年
至五年

卷五

咸豐

自十一年
至十六年

卷六

同治

自十三年
至十九年

清史攬要目錄終

凡例

一此編所記專主清故至明弘光隆武永曆唯提其大要不復詳之


一此編專在詳清國治亂盛衰之跡故儒林文苑隱逸之流雖其事可傳今略之而不載

一祥瑞妖孽之類彼土人好言之今概不錄之

一此編專詳邊功武畧之跡畧內閣獻替之事非敢畧也無書之可徵也

一此編起於清順治終同治大凡八代二百三十年又附之以滿清開國之記以明其所由起

增田貢識



清史攬要卷一

大日本 東京 增田實著

清

滿洲

清國之先在遼金之末生於長白山下姓爲愛親覺羅國號滿洲數傳至

肇祖

興祖

興祖子爲

景祖

景祖名覺昌安饒

才智漸併諸部

景祖三子爲

顯祖名塔克世

顯祖子爲

太祖

太祖名努爾哈赤有雄才善用兵明萬曆十一年滿洲圖倫城有尼堪

外蘭者陰誘明寧遠伯李成梁攻沙克城殺城主又攻古勒城城主阿太章京

妻卽

景祖女孫也

景祖與

顯祖俱往救之先後入城成

梁攻城不克尼堪外蘭請往招撫誘城中人使殺阿太成梁遂并害二祖

太祖大怒欲得外蘭而甘心明人不肯且曰當令外蘭爲滿洲國主國人信

之皆歸焉

太祖慨然往攻外蘭於圖倫城外蘭遁克其城時年二十五

僅有

顯祖遺甲三十副兵百人而已明人卒執外蘭付

太祖卽

斬之復仇先是明歸二祖喪至是又給龍虎將軍之印及歲幣八百兩十五年

攻哲陳部阻漲渾河聯繩而渡跨堞而戰身中五十餘創遂克之十六年復克

攻尼堪外蘭

中五十創

破九國兵

攻葉赫

七大憾
破明兵

楊鎬
杜松
李如柏
馬林
劉綎
渾河
薩爾大戰

完顏部滿洲五豪部皆服遂有建州兵食強富又收鴨綠江部而葉赫等九國
忌之合兵三萬來侵國人大懼 太祖酣寢達旦自出戰克斬級四千獲
馬三千禽布占泰軍威大震二十七年始絕明貢惟爲互市三十五年滅輝發
國取烏拉尋征葉赫葉赫乞援於明明使遊擊馬時桷率火器千助之
太祖戰下其七城遂誓師讐明明萬曆四十三年 太祖年五十八建元
天命國號滿洲海西四國平其三惟葉赫恃明不下明亦倚爲北關 太
祖謀大破明乃休兵二年以三年興師伐明以七大憾誓告天地步騎二萬發
興京圍撫順城降明遊擊李永芳夷其城而還復克清河城斬副將鄒儲賢等
萬人四年明遼東經畧楊鎬集兵瀋陽二十四萬四路深入各率兵六萬總兵
杜松入撫順關李如柏入鴉鵲關馬林入三岔口劉綎入寬甸合向都城
太祖盡徵各路屯兵集城中戒嚴以待杜松素勇輕敵欲立首功日馳百餘
里抵渾河河流迅急策馬徑度軍多溺死松以二萬圍界藩城分三萬屯薩爾
滸山 太祖命大貝勒等以萬五千人援界藩親率四萬五千攻薩爾滸
大營明兵恃火礮爲戰及曉大霧晦咫尺不辨明兵列炬以戰清兵從暗擊明
萬矢雨集發無不中而明兵從明擊暗銃礮皆中柳林清兵無傷者踰塹拔柵

杜松死
尙閒厓戰

河水赤

劉綎陣法

冒旗幟

劉綎死

朝鮮兵

姜功烈降

三路敗

熊廷弼

邊備

袁應泰代

破明兵三萬而右翼援界藩者合山上兵據高馳下與山下兵夾攻衝陣爲數
隊杜松中矢死 太祖又馳赴尙閒厓遇北路明兵二萬乃陳山麓下馬
步戰傳令未徧而敵突至諸旗縱馬馳突人自爲戰諸貝勒貫陣出背表裏夾
擊聲震天地明兵大敗河水爲赤楊鎬聞敗止如柏綎軍而綎軍已迫都城
太祖回軍禦之綎軍連破數寨節制嚴整軍行皆持鹿角止卽成陣礮軍
火器甚練 太祖使降卒持杜松令箭往給綎曰西軍已薄敵城促之速
進綎遂棄鹿角而進分四萬人入隘四貝勒引右翼出其上乘高擊之綎軍殊
死戰大貝勒又引左翼出其西冒杜松旗幟被其衣甲直入綎營大呼格殺綎
軍遂潰綎力戰死其康應乾步兵合朝鮮兵二萬營富察之野方戰大風走石
揚沙敵目不得開火器反擊清兵乘勢衝之應乾大敗遁去朝鮮之帥姜功烈
以殘兵五千降是役明傾天下之力盡徵宿將猛士而五日閒三路皆敗清兵
僅損數百人兩朝之興亡實始於是戰明誅楊鎬以熊廷弼代之時遼瀋大震
廷弼兼程冒雪徧閱形勢招流移繕守具簡士馬肅軍令主固守不浪戰集兵
十八萬分布衝要以伺機變清亦按兵不攻者歲餘明咎廷弼不戰以袁應泰
代之然非將材也六年攻瀋陽明總兵賀世賢勇而善戰身中十四矢尤世功

童仲揆
陳策
渾河戰

第一血戰

遼陽戰
袁應泰死

張銓

都遼陽
起廷弼

圍清平

劉渠
祈秉忠
王化貞逃

錦州降
孫承宗
袁崇煥
築寧遠

救之皆歿于陣。城遂陷。總兵童仲揆、陳策、秦邦屏亦來援師。次渾河。清兵急攻。斬邦屏。明兵入營。發火器多殺傷。已而丸盡。短兵接。清兵萬矢環射。策、仲揆揮刃衝突。各殺十餘人。乃死。是役明以萬人當清數萬。雖力屈而覆爲遼左用兵以來第一血戰。清兵乘勝攻遼陽。袁應泰引水注濠。自出戰而敗。又入城固守。太祖命塞水源。渡濠冒礮而登城。明兵照炬達旦。苦戰遂敗。經畧袁應泰佩印自焚死。御史張銓被執不屈死。于是遼河以東七十餘城俱下。遂遷都遼陽。遼瀋旣失。明大震。復起熊廷弼。廷弼立三方節制之策。與廣寧巡撫王化貞議不合。化貞言願得六萬兵。一舉蕩平。兵部尙書張鶴鳴信之。無言不從。廣寧有兵十四萬。而廷弼關上無一卒。徒擁經畧虛號而已。十月。冰合。清兵渡河。圍清平堡。化貞命孫得功、祖大壽往援。并檄鎮武閭陽之師共援。途遇清兵而得功、大壽皆走。鎮武兵亦潰。總兵劉渠、祈秉忠戰沒。得功陰通清。訛言敵迫廣寧。城中聞之大亂。化貞單騎走。遇廷弼于大凌河。化貞哭。廷弼笑且憤。乃以所將五千人授化貞。使爲殿。盡焚積聚。護難民數十萬入關。得功迎清兵入廣寧。化貞已竄。一日。癸。錦州四十餘城皆降。明逮王化貞及熊廷弼。以大學士孫承宗經略遼東。承宗才不下廷弼。而器度過之。使袁崇煥築寧遠城。守關外二百

刺血書

寧遠戰

血渠敗

清兵敗

太祖殂

太宗立

軍謀臣

五大臣

八旗法

賞罰法

耕戰

天聰元年

錦州戰

滿桂戰

尤世祿

里地練兵十一萬開屯田五千頃寧遠迄成雄鎮魏忠賢黨排承宗令去以高第代之第欲棄寧遠崇煥以死誓守不去十二年清兵十三萬抵寧遠崇煥刺血書誓將士清兵進攻戴楯穴城矢石雨下不退崇煥令閩卒發西洋巨礮一發決血渠數里傷數百人三日再攻再卻圍遂解 太祖不憚是年殂年七十四其子立是爲 太宗名皇太極 太祖每有征伐與諸貝勒適野而謀畫地而議上馬而傳令以五大臣議政十大臣理事無留獄無壅情令簡而速故事無不舉臨敵七旗卻走一旗拒戰即以七旗佐領之丁給一旗一旗卻走七旗拒戰者亦如此一旗內半卻走半拒戰者亦如之罪親不貸功疏不遺令信而必故戰無不克興京內城居宗室勳戚外城居宿衛親兵萬餘此外遠近十餘萬戶散處遼河東西無事耕獵有事徵調戰勝分俘受賞人自爲兵人自爲饌無養兵之費故用無不給起兵二十載而國基建又十載而王業大定天聰元年即明天啓七年也攻明取大凌河城守兵皆遁進攻錦州不克袁崇煥守城滿桂尤世祿背城列火器諸將以險請退 太宗怒命侍衛持盾大呼馳進諸軍殊死衝突貝勒數人負傷力戰滿桂中數矢亦不退殺傷相當屍滿壕塹遂收兵而還自清起兵明軍望風潰議戰守自崇煥始二年

遼崇煥

紅衣礮

大凌河戰
宋偉

吳襄

萬人敵

大壽降

孔有德耿
仲明尙可

喜降
毛文龍

崇德元年
大清

明數遣使來議款，遂不決。三年，大舉伐明，與崇煥遇，沙河鑿戰，互有殺傷。會天暑，清兵不能下，遂縱反間。明逮崇煥，復起孫承宗鎮關門。清兵宵冒明旗幟，黎明突其不意，滿桂戰死。三年，明軍二十萬以馬世龍統之，與承宗犄角攻灣州。人斫一柳立平其濠，發大礮摧城堞。清守將潰走，貝勒阿敏見明軍勢盛，不援而遁。遵化諸將亦爲明軍所襲，破明遂復關內。四城五年始鑄紅衣礮，命漢軍演火器，與明軍戰大凌河，敵陣堅不動。太宗自率兩翼勁兵先衝宋偉營，營中火器震天。左翼避礮，隨右翼而進。宋偉殊死戰，清前鋒多死，復麾右翼以火箭攻吳襄。時黑雲起，風從西來，襄軍乘勢縱火。忽大雨反風，燬敵右翼，與偉力戰。至晡，明軍遂大敗。副總兵祖大弼率死士百餘人滿語者，易服辮髮，夜突牙營放火，麾下驚擾，侍衛親軍力戰卻之。大弼大壽弟，號萬人敵，嘗以五百騎突錦州，刃及太宗之馬。已而大凌河援盡糧絕，大壽遂降。六年，明登州參將孔有德、耿仲明以舟師來降。明年，廣鹿島副將尙可喜亦降。三人毛文龍部將袁崇煥殺毛文龍，而孔耿反登州，可喜亦收諸島衆數千。至是耿孔爲天祐兵，可喜爲天助兵。九年，貝勒多爾袞降插漢國，由朔州破寧武，入畧代，忻應、惇、四州斬明兵六千人。十年，改元崇德，國號大清。卽明崇禎九年，也是秋，命